



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Svmma Practica Theologiae Mysticae**

**Gelen, Victor**

**Coloniae Agrippinae, 1652**

Articulus Septimus. Quod contemplator negans habito conceptu affirmatiuo paulatim debeat fruitionem continuare trinaria distinctione.

**urn:nbn:de:hbz:466:1-9766**

Et quia [contemplatio a intellectio-  
nis in affectu voluntatis terminatur,]  
nisi post abstractiones conceptus affir-  
matus assumatur, nil vnquam de Deo  
veri, & boni participabit, sed miris spi-  
ritus obscuritatibus, & pressuris se se in-  
uoluet contemplans. Atque idè in to-  
ta mystica serie, quocunque modo, via,  
aut medio quis procedat, hoc spectari  
debet, vt per auersionem, & transcen-  
dentiam omnium quę sunt, & quę non  
sunt, dein Deus concipiatur, & ametur  
vti in se est primum pulchrum, & bo-  
num, cuiusque conuersatio tedium  
b non habeat, nec conuictus illius tri-  
stitionem; sed lætitiā & gaudium. Deum  
autem concipere, pro vt magnitudinis  
sua mole premit, ad peccatores refer-  
tur, ac tum mystico seruit, quando ex  
certa negligentia in defectus ( quos-  
cunque tandem ) dilapsus esset. Quod  
autem contemplatio negatiua non tan-  
tum post transcendentias, Deum vt  
summum bonum apprehendat; sed et-  
iam varijs actionibus pro ipso bono re-  
tinendo occupetur, iam consequenter  
dicendum erit,

*Quod contemplator negans habito conceptu  
affirmatiuo, paulatim debeat fruitionem  
continuare trinaria distinctione.*

ARTICVLVS SEPTIMVS.

**Q**uando ergò contemplans conce-  
ptu negatiuo Totius, siue Dei ali-  
quam communionē acceperit, non im-  
pertinenter illā reijcere, aut negare, sed  
secundum quod Deo spirituali modo  
coniūgitur, acceptare & intueri debet.

nam [ si dati sibi modicè c exiguiq; lu-  
minis fines transeat, & aduersos radios,  
id quod eius aspectum superat, temerè  
intueri conetur, lumen quidem nihil  
præter id, quod est accommodatū effi-  
ciet, ipsum autem liberum arbitrium,  
quod perfectis rebus minus perfectè  
studet, datque operam, nec ad ea quę  
ipsius non sunt, perueniet: nec medio-  
critatem illam, quod immoderatè se ef-  
ferat, atque iactet per se assequetur. ]  
aliud ergò est negare concomitantem  
sensibilitatem, aliud negare ipsam cum  
Deo vnionem, propter quam quilibet  
mysticorum quoque modo, vel affir-  
mando, vel negando, operatur. sensibi-  
litate ergò non tam reiecta, quam ne-  
glecta, ipsam animi cum Deo coniun-  
ctionem prosequatur, triplici illa di-  
stinctione; qua conformiter ad sub-  
stantias separatas, ex præhabita diuina  
communione in amore, seu voluntate  
fundata, intellectus agens speciem fa-  
bricat d pro primo, quam pro secundo  
intellectus patiens recipit, & totius con-  
ceptus rationem exprimendo perficit;  
vt pro tertio ex vtroque dilectio pro-  
ducatur. Sicut ad rationem operatio-  
num diuinarum ad intra, prius est ipsa  
Diuinitas, seu prima Bonitas; quam  
quidem pro primo Deus Pater intelle-  
ctu concipit, & exprimendo, pro secun-  
do Filium gignit, & tertio ex vtroque  
spiritus Sanctus procedit. & sicut hæc  
quatuor sunt de ratione Sanctissimæ  
Trinitatis, ita & illa priora quatuor de  
ratione vnus perfectę operationis my-  
sticę,

M

sticę,

a S. Tom. 22. q. 180. a. 1. c. b Sap. 8. c S. Dion. de Eccl. Hier. c. 3. d Vt etiam dictum sua decis. 7. a. 8.

sticæ, ad nunc præsens & instans. Atque tum similibus operationibus ad quietem contemplationis pertinentibus, fruitionem diuinam ordinato progressu incipiet, ac iucundè admodum continuabit, incipiendo à minimis per media vsque ad summa, vndè consequenter dicitur,

*Contemplationem negatiuam etiam paulatim ab infimis ad medias & superiores fruitiones Ascendere.*

ARTICVLVS OCTAVVS.

QVod si mysticus contemplationis negatiuæ, ( vt dictum est ) operationes suas triplici distinctione digesserit; animaduertet pariter, se in initio status contemplationis aliter, quam in progressu, & in summo perfectius, regionem contemplationis percurrere. dum enim fortè tribus ( plus minus ) annis, ad statum suum conformiter operatur, in initio contemplationis negatiuæ reperiet sinceras, & animosas tendentias, per quas & creaturas, & ea, quæ ad intra habere videtur, transcendit longè supra seipsum; at in medio paulatim vicinior effectus ijs, quæ supra se conspexerat, ipsam suam interioritatem quoque eleuatam mirabitur, & inferiora sub se videbit: In summo autem prius eleuata, sibi penè equalia habebit, in ijsque simplicem figet aspectum tanquam qui in alto monte habitaculum suum construxerit; etiam ijs, quæ in medio ante fuerant, in inferiori constitutis. quod autem hæc admodum iu-

cundè fiant, quando spiritus in summo depuratus fuerit, consequenter dicitur,

*In superiori regione contemplator negans, meliores fruitiones vt plurimum consequitur, vsque ad initium priuationis.*

ARTICVLVS NONVS.

SPirituale illud solatium, quo omnium mysticorum animi à transuentium rerum affectu absconduntur; contrario quasi progressu in statu contemplationis accidit. Contemplatores enim affirmatiui, cum amorosis tendentijs ab ipso exordio internæ exercitationi vacent, similibus blandimentis vsque ad superiores operationes contemplationis demulcentur: in ipso tamen summo non vsque; adeò benè affecti propter affectuosas tendentias, nondum sufficienter ad puras operationes spirituales, depuratas. At contemplatores negatiui, cum modico solatio tempore meditationis, aspirationis, & contemplationis in inferiori regione affecti fuerint, vel quod aridioris humoris sint, & naturæ, vel quod solatijs amorosis inferiorem hominem frui non permiserint, continuis transcendentij sensitua deprimentes, tandem in media, & superiore regione, quasi collectum thesaurum spiritualis solatij inueniunt: in eoque tanquam in propria sphaera circumuolitantes, spiritualiter spiritualia, & mentis pulchritudines, subtiliori lumine percipiunt. Vix etiam dein, si ad vltiora procedunt in statu priua-

*a Vt latius 2. p. Dec. 6.*